

Wogaabaa 24:12 Ha bitaniyaa waatanaakko GODAA shenee etayyo qonccana gakkanaashin, eti a qasho keettan wottidosona.

Zaarettido Wogaa 18:6 "Leewa zare gidiya issi asi Israaeela biittan ai katamaappenne denddidi, GODAI dooriyo sohuwau yiikko,

URuto 1:18 Uruta iira baanau ba qofaa qachchidoogaa Naa7ooma erada, co77u gaada agga bayaasu.

1 Hanidabaa Odiya Kiro 28:9 "Solomonaa, ta na7au, ne aawaa Xoossaa era. Ne kumetta wozanaaninne ne eeno giya qofan ayyo ootta. Aissi giikko, GODAI wozanaa ubbaa qorees; qofan de7iya halchchuwaa ubbaakka erees. Neeni a koyikko, i neeyyo beettana; shin neeni a aggikko, i nena merinau aggi bayana.

Nahimiyyaa 4:6 Nuuni gibbiyyaa oosuwaa aggennan oottida. Qassi asaikka oosuwaa minotettan oottiyo gishshau, gibbiyyaa xoqqatettai sohuwaarakka bagga keena gidi aggiis.

Iyyooba 23:13 "Xoossai laamettenna. Aara eqettana, woikko ba koyidobaa i oottennaadan a teqqana asi baawa.

Leemiso 29:11 Eeyya asi ba hanqquwaa yeddi bessees; shin aadhdhida era asi ba hanqquwaa mittees.

Isiyaasa 26:3 Ba qofaa nenan wottida asa neeni polo sarotettan naagaasa; aissi giikko, i nenan ammanettees.

Marqqaosa 5:15 Asai Yesuusakko yiidi, xalaheti beni oiqqido Leegiyoona giyo bitanee ba wozanai simmin, maayuwaa maayidi, hegan uttidaagaa be7idi, ubbai yayyiis.

Luqaasa 8:35 Yootin asai hanidabaa be7anau kiyidi, Yesuusakko biis. Xalahee kiyido bitanee ba wozanai simmin, maayuwaa maayidi, Yesuusa gediyyaa matan uttidaagaa asai be7idi yayyiis.

Yesuusi Kiittidoogeetu Oosuwaa 17:11 Beeriyyaa asati Tasalonqqaen de7iya asatuppekka aadhdhiya akeekanchcha gidido gishshau, "PHauloosi giidoogee tumakkonne" yaagidi, ubba gallassi Xoossaa maxaafata tamaariiddi, qaalaa kumetta laamotan ekkidosona.

Yesuusi Kiittidoogeetu Oosuwaa 20:18/19 Woosa keettaa cimati PHauloosakko yin, eta i hagaadan yaagiis; "Taani Isiyaa gelido kiro gallassaappe doommin, kaushsha ubbaaranne daro afuttaara Godaassi oottaidda, Aihudatu yaa7aappe tana gakkida paace wode ubban inttenaara waanada de7idaakko intte ereeta.

Roome 7:25 Nu Godaa Yesuus Kiristtoosa baggaara Xoossau galatai gido. Simmi taani ta wozanaa qofan Xoossaa higgiyau haarettais. SHin ta asatettan tana nagaraa ootissiya higgiyau haarettais.

Roome 8:6 Asatettaabaa qoppiyoogee haiquwaa ehees; shin Geeshsha

Ayyaanaabaa qoppiyoogee de7uwaanne sarotettaa ehees.

Roome 8:27 Qassi asa wozanaa qoriya Xoossai, Geeshsha Ayyaanai i koyiyogaadan, geeshshatuyyo gaannatiyo gishshau, Geeshsha Ayyaanaa qofai aibakko eres.

Roome 11:34 Hegaa Xoossa maxaafai, “Godaa wozanaa eriyai oonee? A zoranau danddayiyai oonee?

Roome 12:2 Xoossai intte qofaa muumeera dummayidi, inttena laammoppe attin, ha sa7aa asaa milatoppite. He wode intte Xoossai koyiyobi, lo77obi, a ufaissiyaabinne qassi kumettabi aibakko erana.

Roome 12:16 Asa ubbau issi mala qofaa qoppite; oottiyooban ubban inttena toochchidi de7iteppe attin, otorettoppite; inttena intte huuphen aadhdhida eranchcha giidi qoppoppite.

Roome 14:5 Issi urai, “Hiqqa gallassai hara gallassatuppe aadhdhees” yaagidi qoppiyo wode, harai, “Ubba gallassatikka issi mala” giidi qoppees. Asai ubbai huuphiyan huuphiyan hegaadan aissi qoppiyaakko akeeko.

Roome 15:5/6 Intte ubbai issi wozana gididi, issi qaalan Xoossa, nu Godaa Yesuus Kiristtoosa Aawaa, bonchhana mala, genccaanne minotettaa immiya Xoossai, intteyyo Kiristtoos Yesuusi oottidoogaadan, issoi issuwaara issippe de7iyo issi qofaa immo.

1 Kiro Qoronttoosa 1:10 SHin ta ishatoo, issi wozanaaninne issi qofan issippe gidanaappe attin, shaahotettai intte giddon de7enna mala, intte ubbai issi haasayaa haasayanaadan, nu Godaa Yesuus Kiristtoosa sunttan taani inttena woossais.

1 Kiro Qoronttoosa 2:16 Aissi giikko, Xoossa maxaafai, “Godaa wozanaa eriyai oonee? A zoranau danddayiyai oonee?” yaagees. SHin nuussi Kiristtoosa wozanai de7ees.

2 Naaantto Qoronttoosa 7:7 Nuna kaseegaappe aatti ufaissidaagee, Tiitu yuussaa xalaala gidenna; shin intte a minttidooga; intte tana be7anau amottidoogaanne tau qarettidooga qassi intte tana maaddanau giigettidooga i nuuyyo yootiis.

2 Naaantto Qoronttoosa 8:12 Aissi giikko, issi urai Xoossau immanau keehi amottikko, Xoossai au de7ida keenaa ekkanaappe attin, au bainnabaa appe ekkenna.

2 Naaantto Qoronttoosa 9:2 Intte maaddanau keehi amottiyoogaa taani eriyo gishshau, Maqidooniyan de7iya asaayyo inttebaa sabbaas. Taani etayyo, “Akaayiyan de7iya ishantti zillaittaasappe doommidi, maaddanau giigettidosona” yaagada yootaas; qassi intte gita amoikka etappe dariya baggaa denttettiis.

2 Naaantto Qoronttoosa 13:11 Wursettan ta ishatoo, saro de7ite; bali bainnan de7ite; ta zoriyaa siyite; issi wozana gididi de7ite; sarotettan de7ite. Siiqo Xoossai, sarotettaa Xoossai, inttenaara issippe de7ana.

Efisoona 4:23 Intte wozanainne qofai muleera ooraxxanau bessees.

Piliphphisiyuusa 2:2,3 Yaatikko, intte qofan, siiquwan, wozanaaninne qofaa poluwan issuwaa gididi, tana wurssi ufaissite. 3 Inttena siiqiyoojan woikko ceeqettanau koyiyo hada amuwan issibaanne oottoppite; shin issoi issuwaappe gitatais yaagidi qoppennan, issoi issuwaayyo intte huuphiyaa kaushshite.

Piliphphisiyuusa 4:2 Ewodeenne Sinxxiikee, intte naa77aikka issi qofan michchidan, Godan de7anaadan, taani inttena zorais.

Piliphphisiyuusa 4:7 Qassi asa eratettsaa ubbaappe aadhdhiya Xoossaa sarotettai intte wozanaanne intte qofaa Godaa Yesuus Kiristtoosa baggaara naagana.

Qolasiyaasa 3:12 Hegaa gishshau, Xoossai dooridoogeetudan, geeshshanne siiqidoogeeta gididi, maarotettaa, qaretaa, kehatettaa, intte huuphiyaa kaushshiyoga, ashkketettaanne danddayaa maayite.

2 Naaantto Tasalonqqe 2:2 hananabaa asi intteyyo yootiyooban woi hara asappe siyido qaalan, woi ooninne nuuppe yiida kiitadan haasayiyoogan, "Godaa gallassai gakkiis" giidi intte dagammennaadaaninne wozanaa bayennaadan, nuuni inttena woossoos.

2 Naaantto Ximootiyoosa 1:7 Aissi giikko, Xoossai nuuyyo wolqqaa, siiquwaanne nu huuphiyaa naagiyooga immiya Geeshsha Ayyaanaa immiisippe attin, yashsha ayyaanaa immibeenna.

Tiitu 2:6 Hegaadankka yelaga attumaasati banttana naagana mala zora.

Ibraawe 8:10 Aissi giikko, he gallassatuppe guyyian, taani Israaeela asaara maacettana maachchai hagaa: Taani ta higgiyaa eta qofan wottana; qassi eta wozanankka xaafana. Taani eta Xoossaa gidana; etikka ta asa gidana.

1 Kiro Pheexiroosa 1:13 Hegaa gishshau, oosuwaa oottanau intte wozanan qoppi uttite; minnite. Yesuus Kiristtoosi beettiyo wode aaro kehatettaa ekkana giidi, kumetta ufaissan naagi uttite.

1 Kiro Pheexiroosa 5:2 Intte giddon de7iya Xoossaa dorssaa wudiya Xoossai koyiyoogaadan heemmite. Dosaanappe attin, wolqqan gidenna. Qassi intte go77a xalaalaa xeellennan, lo77o qofan heemmite.

2 Naaantto Pheexiroosa 3:1 Ta siiqotoo, hagee taani intteyyo xaafido naa77antto dabddaabbiyaa; taani he naa77u dabddaabbetakka intte suure qofaa qoppaanaadan denttettanau inttena hassayissanaadan xaafaas.

Ajuutaa 17:9 "Hagee aadhida eratettanne akeeka koyees. Laappun huuphee mishiriya uttiyo laappun dereta; hegeeti qassi laappun kawota.